## **КАРШИ ТУМАНЛАРАРО ИКТИСОДИЙ СУДИНИНГ АЖРИМИ**

(даъво аризасини кўрмасдан қолдириш тўғрисида)

## Карши шахри

2025 йил 9 январ

Қарши туманлараро иқтисодий суди, судья Ҳ.Ризаев раислигида, судья ёрдамчиси Б.Давлятов котиблигида, даъвогар вакили Ғ.Искандаров (2024 йил 13 сентябрдаги ишончномага асосан) иштирокида (жавобгар иштирокисиз), даъвогар "ИНДОРАМА АГРО" масъулияти чекланган жамияти шаклидаги хорижий корхонасининг жавобгар "ИСМОИЛОВ ИМОМ ЮСУПОВИЧ" фермер хўжалигига нисбатан киритган даъво аризаси бўйича ишни ўз биносида очиқ суд мажлисида кўриб чиқиб, қуйидагиларни

## аниклади:

Даъвогар "ИНДОРАМА АГРО" масъулияти чекланган жамияти шаклидаги хорижий корхонаси (бундан буён матнда даъвогар деб юритилади) судга даъво аризаси билан мурожаат қилиб, жавобгар "ИСМОИЛОВ ИМОМ ЮСУПОВИЧ" фермер хўжалиги (бундан буён матнда жавобгар деб юритилади) ҳисобидан 54 913 836 сўм асосий қарз, 17 143 112 сўм банк ставкасини қоплаш миқдори, 5 491 383 сўм жарима ва суд харажатлари ундиришни сўраган.

Суд мажлисида иштирок этган даъвогар вакили даъвони қувватлаб, даъво талабларини қаноатлантиришни сўради.

Суд мажлиси вақти ва жойи ҳақида тегишли тарзда хабардор қилинган жавобгар суд муҳокамасида иштирок этмади.

Мазкур холатда суд Ўзбекистон Республикаси Иктисодий процессуал кодекси(бундан буён матнда ИПК деб юритилади)нинг 128, 170-моддаларига асосан ишни жавобгарнинг иштирокисиз кўриб чикишни лозим топди.

Суд иш хужжатларини ўрганиб чикиб, уларга хукукий бахо бериб, куйидаги асосларга кўра, даъво аризасини кўрмасдан колдиришни лозим топди.

Аниқланишича, Қарши туманлараро иқтисодий судининг 4-1801-2302/4451-сонли иқтисодий иши бўйича 2023 йил 22 июндаги ҳал ҳилув ҳарори билан жавобгар соддалаштирилган тартибда тўловга ҳобилиятсиз деб топилган ва тугатишга доир иш юритиш бошланган.

Ўзбекистон Республикаси "Тўловга қобилиятсизлик тўгрисида"ги Қонунининг 141-моддаси мазмунига мувофик, суд томонидан қарздорни банкрот деб топиш ва тугатишга доир иш юритишни бошлаш тўгрисида қарор қабул қилинган пайтдан эътиборан пул мажбуриятлари, соликлар ҳамда йиғимлар бўйича барча талаблар, бошқа мулкий талаблар фақат тугатишга доир иш юритиш доирасида қарздорга тақдим этилиши мумкин.

ИПК 107-моддаси биринчи қисми тўққизинчи бандига кўра, жавобгарга нисбатан банкротлик тўғрисида иш қўзғатилган бўлса ва жавобгарга нисбатан тақдим этилган талаб қонунга кўра банкротлик тўғрисидаги иш доирасида кўрилиши лозим бўлса, суд даъво аризасини кўрмасдан қолдиради.

Ўзбекистон Республикаси Олий судининг 2019 йил 24 майдаги инстанция суди томонидан иктисодий процессуал конун нормаларини қўллашнинг айрим масалалари тўғрисида"ги Қарорининг 21-бандида даъво аризасини кўрмасдан қолдириш низонинг мазмуни бўйича хал қилув қарори қабул қилмасдан туриб суд мухокамасини тамомлаш шаклларидан бири хисобланиши, даъво аризасини кўрмасдан қолдириш тўгрисида суд ажрим чиқариши ва у ИПКнинг 108-моддаси талабларига мувофик бўлиши кераклиги хакида тушунтириш берилган.

ИПКнинг 118-моддасига биноан суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилади.

"Давлат божи тўғрисида"ги Қонунга асосан иқтисодий судларга бериладиган мулкий хусусиятга эга даъво аризаларидан даъво бахосининг 2 фоизи микдорида, бирок базавий хисоблаш микдорининг 1 бараваридан кам бўлмаган микдорда давлат божи тўланади.

Юқоридагиларга кўра, суд даъво аризани кўрмасдан қолдиришни, даъвогар томонидан олдиндан давлат божи ва почта харажати тўланганлигини инобатга олиб, зиммасида қолдиришни лозим топади.

Ўзбекистон Республикаси Иқтисодий процессуал кодексининг 107, 108, 118, 128, 170, 195-197, 199-моддаларини қўллаб, суд

## ажрим килди:

Даъвогар "ИНДОРАМА АГРО" масъулияти чекланган жамияти шаклидаги хорижий корхонасининг жавобгар "ИСМОИЛОВ ИМОМ ЮСУПОВИЧ" фермер хўжалигига нисбатан киритган даъво аризаси кўрмасдан қолдирилсин.

Даъвогар "ИНДОРАМА АГРО" масъулияти чекланган жамияти томонидан олдиндан 1 550 967 сўм давлат божи ва 37 500 сўм почта харажати тўлангани инобатга олиниб, зиммасида қолдирилсин.

Ажрим устидан у қабул қилинган кундан эътиборан бир ой ичида шу суд орқали Қашқадарё вилоят судининг иқтисодий ишлар бўйича судлов ҳайъатига апелляция тартибида ёки қонуний кучга кирган ва апелляция тартибида кўрилмаган ажрим устидан у қонуний кучга кирган кундан эътиборан олти ой ичида кассация тартибида шикоят берилиши (протест келтирилиши) мумкин.

Судья

Х.Ғ.Ризаев